



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lilivm Inter Spinis

Sterre, Jean Chrysostome van der

Antverpiæ, 1627

Prologvs.

urn:nbn:de:hbz:466:1-43032

V I T A
 B. I O S E P H
 S A C E R D O T I S
 E T
 C O N F E S S O R I S

*Canonici Ordinis Præmonstraten-
 sis in Steinueld.*

P R O L O G V S.



ESV Christe, qui cum
 Patre & Spiritu sancto
 facis mirabilia magna so-
 lus, siue hæc per Angelo-
 rum, siue hominum ministeria ope-
 rari digneris: Vitam mirabilem beati
 I O S E P H Fratris nostri, & mortem
 in conspectu tuo pretiosam, & mira-
 cula speciosa, quæ propter eius merita
 operari dignatus es, scripto cupiens
 commendare, ad pedes Misericordiæ
 A tuæ

tuæ supplex & deuotus accedo : per
 eius te, Domine, obsecrans charita-
 tem, vt eius laudi (quæ verè tua est) be-
 nignus aspires, inpires veritatem scri-
 benti ; qui ficta laude non indiges,
 mendacium exsecraris, & diligis veri-
 tatem. Coram tuis enim oculis hoc
 non timeo protestari, qui es testis in
 cælo fidelis, me ex proposito nihil
 fictum describere; sed ea, quæ à suis fa-
 miliarissimis, vel ab eius ore cognoui,
 vel quæ apud Fratres ita celebri opi-
 nione vulgata sunt, vt ijs nulla tergi-
 uersatione debeat contradici. Sunt ta-
 men paucissima, quæ non à certis rela-
 toribus fide dignis, vel ab ipsius ore
 fideli mihi facta fuerint manifesta.
 Ob quam etiam causam me oportet
 quædam mirifica silentio præterire:
 quæ licet firmiter credam vera fore;
 tamen quia radicem veritatis non ha-
 beo, id est, testes de visu & auditu,
 scripturæ veritatis nolui pro certis du-
 bia commendare. Ex his extat vnum,
 nostris

Apoc. 1.

*Fides huius
 historia.*

nostris temporibus valdè mirabile:
 scilicet, quòd infans quidam à matre Infans de-
 dormiente oppressus, post compassio- functus ad
 nem matri lamentanti exhibitam à vitam re-
 nostro IOSEPH, & orationem in uocatus à
 Ecclesia ab eo fufam ad Dominum IOSEPH
 IESVM, & ad beatam Matrem eius, puero.
 beati adhuc pueri meritis fuerit susci-
 tatus. Quod factum licet fidem diffi-
 cilem mereatur, non esse tamen incre-
 dibile poterit confiteri, qui sequenti-
 bus, non dubiè veris, fidem voluerit
 adhibere. Hoc autem dubium ideò
 præfenti paginæ decreui non commit-
 tere; vt cetera, non dubia, fide * tantò * MS. ha-
 firmiori credantur, quantò plus cla- bebat tan-
 ruerit, quòd nullum dubium (quan- tum, sed
 tumcumque ad laudem Fratris nostri tantò le-
 posset operari) pro certo scribere di- gendum.
 gnum duxi. Mira quippe scripturus
 sum, & quæ apud propriæ laudis ama-
 tores, & apud inuidos detractores, qui
 non Dei, sed suam gloriam quærunt,
 quantacumque sint veritate subnixa,

vix fidem debeant inuenire. Propter quod etiam credo, Dominum Deum ipsum tantis post mortem clarificasse miraculis, vt vita mirabilis commendetur per miracula facta post mortem: nihilominus quoque, vt per vitam mirabilem, miraculorum factorum post mortem, veritas confirmetur. Difficilius enim illis miraculis, post decessum cuiuscumque patris, fides poterit adhiberi, quæ non firmum à vita mirabili præcedenti testimonium fortiuntur. Vita etiam Sanctorum mirabilis non omnino sine periculo prædicatur, quæ post mortem nullis miraculorum testimoniis roboratur. Sunt tamen quidam, & apud Deum & apud homines gloriosi, quorum vel vitæ vel morti miracula defuerunt. Ille autem dignè omnes detractores interimit, cuius tam vita quàm mors miraculis commendata, sibi inuicem suffragantur. Si enim vitæ mirabili non credatur, vel etiam
detra-

ORDINIS PRAEMONST. 5
detrahatur; clamat mors miraculosa
pro vita: si verò derogetur miraculis
mortis pretiosæ; ipsis miraculis vita
mirabilis attestatur. Iam nunc igitur,
Domine I E S V, Via, Veritas & Vita,
tuo scriptori larga benignitate serenus
adesto: & per vitam mirabilem Serui
tui, mihi via & dux aduenire dignare;
vt, intellectu deficientis in me scien-
tiæ serenato, omni veritate subnixus,
& mortem pretiosam, & vitam lau-
dabilem Serui tui dignè valeam ex-
plicare. Tui, Domine, dicamus, an no-
stri? Si verum fatebimur; & tuum il-
lum dicemus, & nostrum. Nam etsi
tui solius est seruus; (tu enim solus es Philip. 2.
Dominus, cui omne genu flectitur,
& omnis lingua confitetur) noster ta-
men Conseruus est, cum quo com-
munem Dominum, te, habemus.
Tuus est, Domine I E S V, I O S E P H
noster: quem è cunctis Fratribus præ-
electum, polymitâ omnium virtutum
tunicâ & talari singulariter vestiuiſti,

A 3 & in

& in exemplum omnibus posuisti; vniuersis quidem mirabilem, imitabilem verò paucis. Noster quoque est, Domine I E S V, tuus I O S E P H: quem (vt de tua, Domine, bonitate speramus) non solùm ob salutem Fratrum suorum, & vnius familiæ, verùm etiam totius Ecclesiæ, de carcere corporis mortis huius, ad Regnum, non iam Aegypti, sed cælestis illius Ierusalem (quam totis toties votis optauerat) transtulisti. Tuus est, Domine I E S V, tuus I O S E P H; quem à primis infantia rudimentis, tibi benedictione speciali singulariter vendicare, & vsque in finem fortiter conseruare dignatus es. Noster etiam est, Domine I E S V, noster I O S E P H; quem in terris habuisse Confratrem, cùm inter nos viueret quasi vnus ex nobis, nunc autem in facie Maiestatis tuæ pro nobis propitium gaudemus habere Patronum. Per huius, Domine I E S V, intercessionem & merita, ad hoc opus ma-

*A puero
diuina fuit
gratia cum
mulatus
IOSEPH.*

ORDINIS PRAEMONST. 7
manuum mearum respicere, ipsum-
que dirigere, & tibi sanctificare di-
gnare: vt sicut ille laudes suas, cum
nobiscum mortalis adhuc viueret,
modis omnibus subterfugit, vt paucis
pauca de secretis suis faceret manife-
sta, semper dicens factis, & etiam ver-
bis aliquando: Secretum meum mihi; ^{Isa. 24.}
secretum meum mihi: (ne si reuelare-
tur indignis, perderet quod habebat;
sicut etiam mihi aliquando refere-
bat:) ita nunc eiusdem serui tui, in tuta
omnino statione locati, laudes & me-
rita tu ipse tuis reuelare dignare: vt
ille magnificetur per te; & tu, Domine
IESU, magnificeris in illo, qui num-
quam in se, sed in te magnificari
curauit.

A 4 CA-